



Alp Pülschezza - surdatta da lavur

Our da motivs da sgürezza e per evitar dons vi dal tet causa sbassamaint da l'asserchel esa necessari da refar il mür da la stalla in Alp Pülschezza, Zernez. L'incumbenza per la sanaziun dal mür da la stalla es gnüda surdatta a la firma Foffa Conrad SA, Zernez.

Alp Munt - surdatta da lavur

La cuvrida dal tet da la part da la stalla es in ün nosch stadi e sto gnir sanada. Il fat cha quist on ha dat aint la sajetta duos voutas be dasper l'alp as indispensabel chi sto eir gnir installà ün indriz da parasajettas. Il gremi respunsabel ha surdat quistas lavurs a la ditta Foffa Conrad Holzbau AG, Zernez.

EW Zernez - proget SS Tarsous - surdatta da lavur

Il proget da sanaziun e rimpazzamaint dal scumpart da mezza tensiun illa cabina Tarsous es in planisaziun. La montascha da l'indriz da scumpart da la mezza tensiun es gnüda surdatta a la firma Repower AG, Bever.

Bergsteigerdörfer - prolungaziun commembranza

Daspö l'on 2021 fa part il Cumün da Zernez cun la fracziun da Lavin al proget da pilot «Bergsteigerdorf» suot il tet dal Club Alpin Svizzer. La suprastanza cumünala ha prolungà la commembranza esclusiva per ulteriurs trais ons.

Engadin Radmarathon

Davo vastas discussiuns sur dal futur dal Engadin Radmarathon es gnü elavurà ün nouv concept per la cuorsa da velos a Zernez. A partir dal 2024 nun agischa il Cumün da Zernez plü sco organisatur principal. L'organisaziun es gnüda surdatta ad üna società independenta na amo fundada. Cun quista soluziun dess la part finanziaria dal Cumün da Zernez gnir redotta. Il coordinatur turistic resta inavant commember dal comitè d'organisaziun sco persuna da coordinaziun tanter il cumün e la società. La suprastanza cumünala ha fat bun la dumonda da credit, implü üna garanzia da deficit per l'organisaziun da las prosmas trais ediziuns (2024 fin 2026). Il prossem Engadin Radmarathon es previs dals 5 als 7 lügl 2024.

Il Cumün da Zernez ha acconsenti ils seguaints permiss da fabrica:

Parcella no. 0023, Hotel Filli AG, Zernez – montascha tabla da reclama

Parcella no. 0211, Aventüras GmbH, Zernez – reclama dasper la via

Parcella no. 0715, Winterfahrtraining.ch, Filipp Grass, Zernez – pista da glatsch

Parcella no. 0951, Ouvres Electricas d'Engiadina SA, Zernez – indriz fotovoltaic

Parcella no. 1182, Grass Bavrandas GmbH, Zernez – müdamaint deposit existent in local da personal

Parcella no. 1271, Uffizi da construcziun bassa, Zernez – indriz fotovoltaic sül tet da magazin

Parcella no. 2018, Caduff Julian e Müller David, Susch – sanaziun Chasin dal paster, dumonda posteriura

Parcella no. 2123, Bulfoni Mattias, Susch – pumpa da chalur cun sondas

Parcella no. 3095, Hirt Stefan e Walter Christian, Lavin – pumpa da chalur ajer-ava

Cumün da Zernez, Brail – Proget infrastruttura Brail vest

Büro electoral per las elecziuns naziunalas dals 22 october 2023

La suprastanza cumünala ha elet il büro electoral per las elecziuns naziunalas dals 22 october 2023. Al büro electoral fan part: Domenic Toutsch sco president, Jürg Wirth, Duosch Städler, Irma Tognini, Riet Denoth, Tamara Zellweger e Corsin Scandella sco actuar.